

1870.
21. júní.

þykir sér ekki fært að breyta útaf þeim reglum um endurgjald kornsins, sem settar voru með bræfi stjórnarráðsins 4. oktbr. 1867¹ og samþykktar með konungsúrskurði 24. desembr. s. á., verður samkvæmt þessum reglum um endurgjald þess verðs, sem sett var á hinar fyrnefndu 10 tunnur af korni, þegar að borga $\frac{2}{7}$ parta uppí verðið, og í vöxtu af allri upphæðinni 4 rd. af 100 á ári frá 1. apríl. 1869, og af $\frac{6}{7}$ þörtum af upphæðinni frá 1. apríl 1869 til 1. apríl þ. á., en það, sem eftir er, má standa, einsog þér, herra amtmaður, hafið sókt um.

50. Bréf dómsmálastjórnarinnar til amtmannsins yfir norður- og austurumdæminu, um póstferðir þar í umdæminu.

21. júní.

Í bræfi, dagsettu 8. febrúarm. þ. á., hafið þér, herra amtmaður, meðal annars skýrt frá, að þeir 400 rd., sem samkvæmt bræfi stjórnarráðsins 25. febrúar f. á.² eru ætlaðir til póstferða í norður- og austurumdæminu, hrökkvi eigi til að standast kostnað á hinum venjulegu póstferðum í umdæminu, og að þér sökum þess hafið neyðzt til að taka af eina ferðina til Reykjavíkur og tvær ferðir frá Eskifirði til Akureyrar. Í bræfi, dagsettu 20. s. m., hafið þér því næst farið þess á leit, til að bæta póstgöngurnar í umdæminu, sem með þessu fyrirkomulagi yðar eru ónógar: að einni eða tveimur af þeim sjö ferðum, sem til ætlazt er að póstgufuskiði fari til Reykjavíkur, verði sleppt, gegn því, að skipið komi við Norðurland á hinum ferðunum, á þann hátt, sem þér hafið nákvæmlegar tiltekið í bræfi yðar.

Útaf þessu er yður hërmeð til vitundar gefið, yður til leiðbeiningar, að þaræð til er ætlazt í bræfi stjórnarráðsins 25. febrúar f. á., að svo geti farið, að nauðsyn beri til að fara út yfir þá upphæð, sem ætluð er til póstferða í hverju umdæmi, og svo fyrir

¹) Tibindi um stjórnarmálefni Íslands II., 473.

²) Tibindi um stjórnarmálefni Íslands II., 592.

1870.

21. júní.

mælt, að búast megi við, að það, sem á vantar, verði lagt til úr jafnaðarsjóði þess amts, sem í hlut á, hefir stjórnarráðið furðað sig mjög á því, að þér, herra amtmaður, af ótta fyrir því, að fara út yfir þá upphæð, sem ætluð var handa norður og austurumdæminu, skulið hafa leitað þeirra úrræða, af sjálfsdáðum að fella þær póstferðir úr, sem getið er um að framan, og þar á ofan einmitt þá ferðina, sem ætlazt er til að sendir verði með sýslu- og umboðsreikningar, svo þeir komi í tækan tíma, þá er á að búa til fjárhagsáætlunina og ríkisreikningana, heldur en að fara þá leið, sem stjórnarráðið hefir vísað til í fyrnefndu bréfi, að bera það upp við stjórnarráðið, að fá það fæ, er kynni á að vanta. Stjórnarráðið mælist því til, að þér, herra amtmaður, látið eptirleiðis fara þá póstferð til Reykjavíkur, sem um var getið, og sömuleiðis hinar tvær póstferðirnar milli Akureyrar og Eskifjardar, og má, ef svo ber undir, taka fæ til þess úr jafnaðarsjóðnum.

Að endingu skal því við bætt, að stjórnarráðið álitur það árangurslaust, að semja við póststjórnina um breytingu á hinum árlegu ferðum póstgufuskipsins nú sem stendur.

23. júní.

51. Bréf dómsmálastjórnarinnar til amtmannsins yfir norður- og austurumdæminu, um reikninga sýslumanna útaf skipastrandi.

Þér hafið, herra amtmaður, í bréfi, dagsettu 2. febrúarm. þ. á. spurt, hvort það sè ekki yðar skylda, án tillits til, hvort hlutað-eigendur hafi krafizt þess eða ekki, að endurskoða og leggja úrskurð á reikninga sýslumanna yfir dagpeninga og gjaldheimtur útaf strandi hins frakkneska fiskiskips Emiliu, er var selt við opinbert uppboð. Það skal yður því til vitundar gefið hérmeð, yður til leiðbeiningar og frekari framkvæmda, að þessi skylda verður að heyra amtmanni til. Því skal einnig við bætt, að þér megið búast við svari uppá aðra spurningu í sama bréfi, því stjórnarráðið er nú að skrifast á um hana við aðalskattastjórnina.